

آدرهس :

IDJTIHAD

Constantinople

اوچنچی سنه

اجتهاد

آدرهس :

اجتهاد ادارهخانهسی :

شهر اماتی قارشینده دائره

مخصوصه در .

سنه ۱۳۰۰ آتونه بدلی ۴۰ نسخه سی

۲ غریشدر

آیده ایکی دفعه نشر ایدیلیر اقتصادی ، اجتماعی ، ادبی مجموعه

درد لاموت

بر غریبه خلقت خیالی الهام ایدور . لکن بو مله میقی
 آجی آجی دوشونجه لک تعقیب ایتمه مه سی ده ممکن اولامه یور .
 انسان ، « آل غسان » ایله « آل منذر » ک سیاسی
 هیولاری اوزدردن آشه رق اکاسره تاریخنه نهایت ،
 قیاصره شوکتته تزلزل ویرن ایلاک متحد و ناموسکار
 خطودلرک پک آز زمان صکره متفرق ، متشوش و محتضر
 حرکتلره منقلب اولسندن ، انشقاق قر معجزه سنی تعدد
 هلال فجیعه سنک تعقیب ایتمسندن برسبب ، بر حکمت مؤثره
 آرامقده مضطر قالیور .

اسلامارده - ابن واضحک اثرندن باشلایه رق - بیک
 بش یوز جلد تاریخ کتبی یازلدینی مرویدر ، فقط هلال
 زمینک کنارنور انوردن آیربلامیان هاله خسوف انکیزک
 حقیقی علتی - ظن ایدرم - بتون وضوحیه تشریح اولما مشدر
 طبریلر ، مسعودیلر ، حمزه اصفهانیلر ، ابن الانسیرلر ،
 ابوالفدالر ، ابن اوردیلر و - فلسفی مقدمه شهرتدارینه
 رغمًا - ابن خلدون بوعلتی شرح ایتمکدن صابکه قورقشمار
 یالکزر اشخاصک ماهیانی و وفوعاتک سطوح وعوارضی
 اوزدزنده اجاله قلم ایتمشلدردر . حالبوکه اوزمره زمهره
 اشخاصی یاشادان ، اوموجاموج وقعه لری تولید ایدن محیط
 ایچنده پنهان بر قوت وار . بو اوایله بر قوت که زاب صوبی
 کنارنده امویلرک ، بغداد اوکندنه عباسیلرک ، صلاح الدینه
 قارشی فاطمیلرک ، غرناطه پیشکاهنده عبده الصغیرک
 و بوکونده ایران ایله فاسک آلملرنده مستهزیانه تبسم و چین
 حدودندن آفریقانک غریبنه ، موسقوا جمودیه لرندن
 هند دگری ساحلرینه قدر جولان ایدوب طور دیور .

مروان الحماری سرایندن فرارده و شیرن امویلرک عربلق
 اوزدزنده کی تعصبی و خلقت بوسببله حصوله کلن دلگیرلکی
 دکلدی . بغدادی هلاکویه چیکنه دنده عباسیلرک ترکله
 ایرانلره فرط تمایلی دکلدی . بونلر کیزی بر علتک تظاهر
 ایتش اعراضیدر . نته کیم ویانه اوکندنه کز خیام احتشام ایدن

یوم هجرتدن بری ده بیک اوچیوز کسور سنه در
 کولومسه یین شومبارک کونش آلتنده قاچ مشعشع حکومتک
 سوندیکی ، قاچ مزین تاج موتک سرنکون قاله یغنی -
 مراق بویا - اوکرمک ایستدم . متعدد مأخذلرک صموت
 و مطالسم سینه سندنه او یویان حقکولسانلر بی پروا خطابه لرله
 بومشکللی ازاله ایتدیلر . هدم صایبه دکل انجق هلاله
 تطرق ایدن زوال و خلل صفحاتی اوکرمک ارلدینی ایچون
 استعاناتم اونقظه یه منصرف بولایوردی . نتیجه دخی
 اونقظه یه کوره حصوله کلدی .

فقط نه یامان نتیجه !

« اسلام حکومتلری و حکمدارلری » عنوانی آلتنده
 - ایجاب ایتدکجه تعلیق حواشی دخی ایدلک شرطیه -
 یازمق ایستدیکم بر قاچ تاریخی کراسیه زمین تشکیل ایدن
 بونیجه - اعتقادیمجه - اک آز متحسس کولکلی ده
 هیجانه دوشورمچک قدر حزیندر . کریه آورددر ، مقسیدر .
 ناچیز الرمده بالاطراف کوریلرک چکی اوزره ظهور
 اسلامدن بوکونه قدر طوغان و سون هلالی حکومتلرک
 عددی یوزبشه وار یور . بو حکومتلرک طلوع نشیدلرینی
 وافول مرتبه لرینی ترنم ایتش کورون حکمدارلرده ایکی
 بیک قدر اسامی تشکیل ایدور . بو اوایله ایکی رقم درکه
 تاریخک تکلمه باشلادینی کوندن بری ماهیتلری آکلاشیان
 بتون حکومت و حکمدارلرک مجموع عددی سندن - همان
 همان - یوکسکدر . دیمک اولیورکه ملیار ملیار خلقیه ،
 رنگا رنگ مذاهب و عاداتیه ، لایمده و لایحصا انقلابات
 واستحالاتیه ، ییغین ییغین عصرلرله بتون بر تاریخ بشر
 بر طرفده ، صکره تاریخ اسلام بر طرفده بولنیور .
 شرق محیطی بو خالیه دقیقه ده ، بر چنین اسقاط ایدن

خليفة مات لم يحزن له احد
وآخر قام لم يفرح به احد.

ديمكن ومنسوب اولدینی حکومتک — مونارشی حالتہ کورہ —
الکيوک برانقلابہ لاقيد قالمقدن او تانمور. ايشته اومدرسه لرله
اودار الکيتبارک روح ملتہ تأمين ايتديکی تنور هپ بو قيل
شيردر. بتون اوتدریسات وتالیفات آردسندہ وطن
وحب وطن نامنہ هیچ برشی یاسلماسنہ الظالمک روحی وطنہ
قارشی لاقيد قالمش. حکمدار لر یله مملکت لری ایچون یابانچی
یاشامشدر.

علم اسلامی صولدران علت ايشته بویله بر «جهل» در
وطن ایچون. مملکت ایچون، استقلال قومی ایچون دمیدم
ارائه اولنان لاقیدیدر. اخلاق سزقلر، احترام لر، لوثلر
وعلمک ضدی اولان جهالتلر هپ بوجهلک اولادی. یعنی
تک بر اصلک فروعیدر.

بتون تاریخ اسلامده. بوبرسوری حکومتلرک موسمسز
ظهور وآنسزین افول ایتسندہ بوزهرین دردک تأثیری
کورولیور صانکه وطن برشیء مأجور عدایدمش وکند.
یلرینه ساده بر مستأجر صفتی ویرن خلق نظرندہ موجرلرک
متوالیاً تبدلی اصلا مورث تأثر کورلمه مشدر. اوسیدله بغداد
ده خلیفه عباسی مدح ایدن برشاعریک آل بویه یه بی
طاهرده قصیدہ لر ویردیکی، شاه اسماعیلی ممدوح طو تان
فضولینک عین افادۀ تابانہ ایلہ سلطان سلیمانی ده مدح ایلدیکی
مشهود اولیور. دها غریبی دون بشقه بر حکومت حسابنه
حرب ایدن عسکرک یازین دیگر بردولت نامنہ فدای نفس
ایتدک لرینک واقع اولمیدر! . . .

تاریخ اسلامده بو غریب و غرابی نسبتده حزین وقعه لر نه
قدر چوقا بورغونیا دوقه سی طرفدارانک نورماندیا حاکمه
وناپولی حکمداری عساکرینک میلان تاجدارینه یاردیم
ایتملریله عراق اهالیسنک خراسانلیره مظاهر اولملری بر
دکلدر. اولکیلر فرانقلق ولایتلیکی تقویه ایچون چالیشمش

قانونی سلیمانک بنیه تاریخیه سندده بو علتک بی انصاف پارمقلری
کورونیور.

بن، یوزبش حکومت متفرقه نک — برمنزارستان شکل
سنکا سنکیله خیالی توحیش ایدن — فیرست خاطرانی
آردسندہ بو علتک — هر قبر اوزدرینه یازیلان سطر مشترک
کی — پنجه سنی کوردم رحکومتلر انحطاط وزوالیله تغدی
وتتمو ایدر کورون بولایموت دردک آنجیق «جهل»
اولدیغنه ایزاندم.

مدنیت اسلامیہ نی ارائه یه چالیشان مجرلر «نظام الملک»
ک مدرسه نظامیه سندن باشلا یه رقی بزم «صحن ثمان» مزد قدر
بتون اقطار اسلامیه ده تأسیس اولنان یوزلرجه مدارس،
هارون الرشیدک «بیت الحکمه» سندن بد ایلہ جابجوا جوده
کتیر بلن بیکلرجه کتابخانہ نی اوکسورده رک ومثلاً «فارابی»
اون بیک طلبه یه درس ویردیکی، فیخرالدین رازینک رکابنده
دائماً اوچیز شاکردکامل یوریدیکی سوبیلہ رک جهلک علم
اسلامده برطوتمادیغی — احتمال ادعا یده بیلرلر، اهل
صلیک طرابلس شامی استیلا ایتدک لری زمان اوچ میلیون
کتاب یاقدقلری، سنیت وشیعیت عربده لر یله قاهره سربارندن
بر میلیون کتب نادر دنک احما اولندیغی برر روایت صحیحہ
اولارق قبول ایدر وماضی اسلامک تألیف آثاره، حمایه علمه
یک بیوک همتلر کوستردیکی نموده بن دخی طرف موافقده اخذ
موقع ایدرم، لکن اومدرسه لرله اوکتابلرک — مصادره
قوزقوسیه جائزه امیدله یامیلانلری ده مفید کورسه کبیلہ —
جهل عمومی یه نسبه — ورم بر شخصی صغوقدن محافظه
ایتمکدن دها بسیط بر همت واقیهدن عبارت اولدینی و دماغی
تاشیطه، تاریخی تزینہ خادم اولسه ده روح ملتده کی درده دوا
اولامادینی ذهانی محافظه دن کری طور امام.

بو ذهانی ناصل صائب کورمیه یکه عباسیلرک اک
منور برشاعری:

الحمد لله لاصبر ولاجلد

ولا عزاء اذا اهل البلی رقدوا

اولا بیایم . دیگر لرزنده ایسه بویله بروسیله یوق !

ایشته بتون یو حالانک مصدری بن « جهل » ده بولدم .
 فاسی اولدیرن ایرانی آغلادان قوتک ده او جهل موروث
 اولدیغنه قانم . بزم دیارک بویلاشمش کوکنمش درددن نه
 درجه لر قدر رهایاب اولدیغنی بیله مدیکم ایچون پک معذب
 و ابتدائی تحصیلمک « حب وطن » تلقینه مصروف اولسی
 لازم ایکن بولوزومک حالا اهل اولدیغنی کورمکله وجداناً
 مضطرب بولنیورم .

البته معارف نظارتجه ده — بزدن پک فضلہ — تقدیر
 اولمشدرکه استقبالی آنار قوجاغنده و ابتدائی مکتبلرنده
 حاضر لایان ملتر بقا ایله مبشردر . یوقسه غرامیات و حکمیات
 ترنم ایدن شاعرلر ، ساده حکایه و قوعات ایدن مورخلر
 وسیله بقا اولامیور . تربیه و وطنیه سزیا شامغه هیچ برملت
 امکان بولامیور . بوحیقتی ، بر زمانلر اوچ یوز طقسان
 ملیون فراقلق بر واردات بودجه سی تنظیم ایدن و یوز بیکلرجه
 عسکر بسلین ، رعنا وزیریا شاعرلر مالک اولان حکومت
 عباسیه ناک اضمحلالی کوسترمه بیله بوکون درت بیک
 کشیک بر هیئت سفریه اوکنده بویون بوکن ملیون ملیون
 ایرانلینک حال الیمی کوستره بیلیر صانیرم .

علاءالدین پاشا

زاده

۱۰ کانون اول ۳۲۷

سامح فتحی

ایدرم که پک طبیعی — اوصیفه لرده خدمه عرفان و غیرت دن
 اولمق حسی منضم اوله رق بزی روحلاندیریور .

انحق اوصافک ایجاب ایتدیکی کمال و عرفانه عدم مظهریت
 بدبختلنی دائماً برخیات مشئومه صورتنده قارشمزه چیقاروق
 دست عزتمزی بوکیور: انحق هر صبرک برغای اولمق اعتباریله
 بوکون واحترار محقه قارشی عصیان ایدیوروز وشو . برایکی
 پارچه بی کوندریوروز . Excelsior ، مترجه سنک افاده اولیه .
 سندن مستبان اوله جق بر اهیتی حازدر: و بونی ذات عالیاری
 بوکون تورکیاده اک مدرک اولانلردنسکنز برچوققلری
 « بوعادی سطرلرده نه وار: » حکمنده بولنه بیلیر . لکن
 ذات فضیلتا لب لرینک « یاشامق قورقوسی » حقنده کی
 مطامعلری و بالخاصه امریقا شاعرلرندن (لونغ — فلهلو) نک
 « مزبور حیات » عنوانی منظومه سی حقنده کی تقدیر
 حیات آکاهیلری « یوکسلچی » نک عتبه قبولکزه تقدیمه
 سبب محض عد اولنه بیلیر . محترم افندمز ، بیلیر سکمز که:
 فطرت هرکسه ذات عالیاری کی ایکی اوچ لسانده قدرت
 نظم وار تجال ویرمز !

بنم « عراقده کی نجومپرستار » مقاله سنه کلنجه . لطفاً
 استخفاف بیورمایکنز: چونکه: بوملکتمزی طانیق
 دعواسی اوزدرینه یازلمسنه قرار ویرلن سلسله نک برزاده
 عاجزیدر . « اجتهاد » محترمزه داخل اوله مازسه بیرتوب
 یازنامشردیارینه کوندرمک بالطبع منوط رأی معلمانه لریدر .
 باقی کمال حقیقی به مقتون اولانلرک صمیمی احتراماتی لطفاً
 قبول ایدکنز .

۱۶ کانون ثانی ۳۲۷ ، کوزتیه

علی رضا سیفی

اجتهاد

مکتوبلر

(اجتهاد) مدیرینه

ساله ثروت سیفی خانم افندی به و برادر عرفان و فضیلتی
 علی رضا سیفی بکه مستدارلق و شکران عرض ایدرز .

« اجتهاد » مزنی کوردکجه صرف شخصیت کمالا تپرو .
 ریلرینه متعبد اولان احساسات احترامکاریمزه . بزده — ظن